

中國地方志集成

江蘇府縣志輯 (65)


光緒豐縣志

光緒贛榆縣志稿

光緒贛榆縣志

民國贛榆縣續志

江蘇古籍出版社 ● 上海書店 ● 巴蜀書社



光緒豐縣志

(清) 姚鴻傑等纂修



本書十六卷首一卷，據清光緒二十
年（一八九四）刻本影印。

甲午豐縣志序

豐之志昉於有明邑令裴君爵倡其始尹君梓孔君道源踵其成然時閱曠代其詳不可考矣

國朝定鼎而官斯土者太原閻崑浦興舉於兵火之餘普安盧炯齊蒐羅於承平之後宏綱細目次第

豐縣志

甲午志序

精詳飾簡芟繁指標體要重志之修斯稱大備嗣是道光初金陵王廣文思元有續修之舉然不過取舊梓之殘缺濫漫略加補輯全書事例則仍閻君盧君之舊逆而泝之聖志之不續蓋百餘年矣光緒乙酉_本奉檄攝

篆篆甫下車即欲得邑乘漢之

翼悉其土風民情封域政治及夫
漢宋盛衰之受利害之端興革之
宜用佐_本之不敏乃訪之邑人士即
素稱藏書家故亦多不可得求
其板寸牀無存蓋豐自嘉慶紀
元以來迄咸豐之初兩遭河患而

豐縣志

甲午志序

二

咸豐之甲寅戊午則粵匪皖匪
接踵北來縣城被蹂躪者四五年
志之故本籍免與夫板板悉付
灰燼北蓋祀一日之故而非以竹
書莫識石鼓不備已也數月後得
完書展閱之餘益惕然為慮慮以
一邑之獻之微僅恃此數帙故紙之

幸存幾何不瞬就漸滅志無學

不敢輕議文翰而廣文何君澧塘
績學士也急商之澧塘慨諾因与
約日廣延是知名士議更修多士
至果同考應乃端緒甫引旋以
期滿奉調赴省垣事遂止歲癸巳
復承乏視豐入其境風志怍然詢

豐縣志

甲午志序

三

何君則請假歸矣而無錫陶君雲
組秉彙鐸語及當務福以豐
宮邑志書院諸大端請從事志
聞之躍然曰豐宮書院工鉅費繁
姑徐計而邑志則志八年前有願
未償者也急邀諸同志申前議
定擇吉就書院設局採訪編輯

暨言校繕寫既分司其事而薪水

之資剗剗之費復得合邑紳耆
各輸貲以共襄義舉凡八閱
月脫稿而志適以瓜代期迫每理
行裝不獲與諸君子同親厥成爰
亟付手民俾終斯役昔盧仝齊
重修告竣自謂事雖為因用力

豐縣志

甲午志序

四

寔等於創志不佞不敢附驥此說
而百餘年感衰之受利害之端
真革之宜隨事可稽不致竟湮
於灰燼則是編也雖未敢擬晉春
秋之別本聊以當新唐書之
廢稿他日博雅君子徵文考獻藉
以潤色鴻業登之輶軒或亦取詢

之一助云

光緒歲次甲午陽月上浣之吉

麟川姚鴻杰序



豐縣志

甲午志序

五

重修豐縣志序

史記豐邑故梁徙也文穎註梁惠王孫假爲秦所滅轉徙于豐蓋戰國屬梁而未著也自赤帝子生於豐之中陽里及都長安號爲新豐而以所生豐爲舊豐于是豐之名始大著邑舊有志闕令公昭重輯之後至今已百年剝蝕殆半僅有存者及今不修更數十百載其爲湮沒何可勝道況我

朝

聖聖相承屢懷民瘼湛恩汪濊浹髓滌肌苟紀載之闕如是亦司土者之責也遂于己卯春奮然舉事凡八閱月而告竣首列

豐縣志

卷

盧序

恩綸次及邑事典故則博稽諸載籍事蹟則延訪于鄉老非見聞之真者不敢錄其以私干者不敢徇若山川形勝風俗戶口人物藝文之類有昔所略而今詳者有昔所未有而今增入者昌愧不文缺略舛繆知所不免倘惠邀邑之博物君子取而更定之庶幾步閭令之後塵存什一于千百爾俾後之過是邑者知漢高之梓里依然攷古稽今其幸猶淺惟冀披其卷而帝典王謨燦如日月是則昌之志也夫若云豐邑由我而著而且以文事飾吏治借竊自附于述作之後則昌滋愧矣 肯

乾隆二十四年中秋月

賜進士出身文林郎知豐縣事

許炯虛世昌誤



盧序

豐縣志

二

重修豐縣志序

自古徵文攷獻恒先邑乘而後由縣及省以昭同風之盛誠以志近於史實與王政相表裏不以最爾可忽也豐古徐州隸自漢高起于沛混一天下豐爲湯沐地殷阜甲他邑粉榆有社朱陳有村風俗之醇詳於紀載我

朝列

聖相承重熙累洽厚澤深仁淪浹海宇而大河南北霑被尤渥豐治濱河形勢窪下偶逢水潦河漲易衝特厯宸衷之咨傲歲

命大吏相度堤工發帑修築而又登沛

豐縣志

卷

常序

一

恩膏時行蠲賑其所以扶植而噢咻之者至詳且盡以故豐民得休養生要安堵無虞殷阜不殊於昔也黔南盧君世昌以名進士來宰茲邑政修人和之暇皇然有念於邑志之散逸自間令修後已逾百年刻蝕殆半苟闕而不修湮歿曷可勝歎爰延攬文士博訪廣蒐重加警校缺者補之蕪者節之訛者正之紛雜無章者次第之發凡起例綱舉目張敬述

上諭凡所以軫卹民艱敷施至治者冠諸簡端亦猶書首二典詩先二南之義云爾至若山川繡錯戶口增除財賦盈縮與夫人物之忠孝節義詞章之傳記詩銘摯然具舉足資勸懲以備掌故孰謂最爾豐邑而政

典故化不共沐同風之盛哉戊寅夏余奉

簡命旬宜江左道過彭城得覽山川之勝概民物之殷繁

乃嘆豐沛間佳氣鬱葱誠有如古所云者苟得賢明

惻惻之吏拊循而教誨之上以承

國家邳隆之治下以觀井里風俗之成俾志乘增光而

政績益茂是余所深望于宰斯土者也爰爲之序

欽命江蘇承宣布政使司布政使兼世管佐領軍功加三

級紀錄三次又加二級隨帶紀錄八次常亮撰

豐縣志

常序



二

重刊豐縣志序

莫爲之前雖美弗彰莫爲之後雖盛弗傳蓋非獨豐

功佈烈之賴有傳人卽一代典章文物苟無有守而

存之者必至愈久而愈無徵况殊缺散佚漸至湮沒

如今之豐志乎豐之有志由來舊矣前此姑勿論自

順治十三年縣令閻君 修閱乾隆己卯盧公世昌

虞其剝蝕久而難稽復重輯之蓋雖百年携板猶藏

故府因其舊而補其新猶易易也迄今又七十年矣

歲壬午余蒞茲土竊惟知一邑者必知一邑之因革

沿流與夫山川之繡錯人物之代興財貨之盈縮徵

文考獻因地制宜本此以爲治而紀載莫備於志亟

豐縣志

總序

考其書已無全帙索其版半就零落蓋自嘉慶丙辰

黃水泛濫飄蕩之餘遂無完版二十餘年無有繼而

存之者矣夫豐爲漢高故里其臣蕭相入關他務未

遽先收秦圖書版籍爲有天下之本彼於勝國之餘

燼猶急急惟恐失墜况我

朝文治光昭金匱石室之藏燦然大備顧以一邑之志任

其缺遺而漠不經意其何以仰副

聖天子稽古崇文之盛心乎用是不遺餘力蒐羅散失詳

加編次俾前人之幾經採訪幾經筆削者一旦復爲

全書顧非版而存之閱數年而又遺失將余今日之

恐前美弗彰者後且真至有盛弗傳矣况自盧志迄

今六七十年一邑之損益廢興缺焉未載循是而斟酌增補亦如虛之因閭纂而輯之尤余之志而尚未有逮也顧以商諸我邑博物君子

道光三年歲次癸未仲夏月

特授徐州府豐縣知縣文林郎長白德 豐譔



豐縣志

德序

二

續修豐縣志序

豐縣志志豐也昔漢高帝提三尺劍擊項誅秦削平海宇起自豐沛間則四百年王氣實發祥於茲豐因得以有志矣自盧公世昌重纂後迄今七十餘年未加修輯遂使人民風俗宦績節烈書缺軼有聞不佞代庖斯土秉鐸餘閒急欲舉事每苦闕於見聞幸其地一二同心相與研精旁搜首以封域營建次以良吏名人又次以孝友節烈靡不備載凡六閱月而始告成至剞劂之工版圖之費則元一人獨任焉其或尚有遺誤惟俟後之君子繼此從事以志豐於不朽云 峇

豐縣志

道光九年仲夏月上浣之吉

署豐縣教諭金陵王恩元譔

豐縣志舊序

明 尹 梓 縣令

夫列國各有史郡縣各有志用以彰往法來備觀省昭勸戒耳昔紫陽朱夫子出守南康下車卽詢郡志說者謂其知治體豐當鄒魯之中土沃風醇異人間出卓然爲畿南名邑在昔炎漢興運垂諸簡冊昭諸文獻非無志也顧世代屢易典籍廢湮先是邑令古愚裴公蒞任數年政簡刑清乃於公餘欲纂修古志以喬遷不果歲戊辰予奉命來尹入邑卽詢縣志庠生周如金以裴公所存稿示余噫裴公往矣遺意存焉卽裴公猶在也因丘陵以爲高欲修豐志舍裴公之志奚以乎維時學博李君星夏君時學古文優下吉拜懇復請邑庠如崔子動劉子存義曹子可教渠

豐縣志

舊序

明

萬崇德 彭城御史

豐縣故有志然未備也重修自孔侯始侯蒞豐三載政通人和百廢具興於是豐志成走使之京師丐余一言弁其端余惟豐故漢高祖湯沐地當漢高提三尺劍蹙項誅秦平一天下而其始自豐沛起則豐故王氣鬱蔥爲古帝肇基及天下既定蕭何治未央宮稱極壯麗而太公顧猶時

時思豐之風土高帝乃令匠胡寬營之於咸陽宮廷廡署

街由悉肖厥故雖驅雞鶩於途亦競識其處號曰新豐則豐當時之殷阜隆盛在洛陽曲逆上何疑也說者謂漢高復豐故豐之殷阜隆盛絕一時然太公思豐在未復豐前何豐當天下虎鬪鯨吞獨能自完茂若是也世變俗易千八百年來豐之風景日益蕭條求當時影響不可得已明興高皇帝龍飛應運開九域之蒙晦諸熊羆雲翔發跡之地皆與豐隣湯沐賦徭輕於他郡什百而流轉更其意王氣發射之盡耶抑未有良牧吏嫗撫之至此也吾聞豐自孔侯至止其民欣育流離者悉返寓宇而侯之所慕向者乃在此不在彼今天下康寧無邑不有志而豐志獨未備

豐縣志

舊序

二

焉至使沿革建置人民風俗及宦績人物書缺軼有間後代無所復聞非孔侯儒雅藻治其孰能與於斯哉賈誼云移風易俗使天下迴心而嚮道類非俗吏簿書期會者所幾惟孔侯之志其於移風易俗殆幾之矣余故不辭而序之以告夫世吏之專事簿書期會者時萬歷壬子仲冬望日之吉

清 馮如京 古晉

徐之豐邑令閻君崐浦治豐凡十年政理民和修其邑志成介一函問序於馮子馮子按志而讀之喟而作曰志難言哉志難言哉志者統三才而備之徵文者獻稽古覈今匪才莫辨匪信莫傳夫志猶史也昔人謂作史有三難曰

才曰識曰膽余亦謂作志有三觀曰學曰政曰世而要之非道無歸也何謂學夫志綜古今核名實攷往微來網羅靡漏自微才包六合胸富五車則未易幾也故曰可以觀學學優矣而措之於事者未必習風而刃解方叢脞之足虞安敷文之有暇故曰可以觀政學優矣政成矣於是得以按版籍考輿圖上下古今考驗興廢若戶口之登耗賦役之省繁財力之盈縮人才之消長民俗之醇澆與夫良吏名人忠義孝友高行隱逸儒林文苑靡不備載傍及列女方伎不可吐棄者燦若列眉讀之可以觀世焉三觀具而後學以敷政政以迪教教以彰志民情可洽善行可興故曰要之以道也惟道而政政乃醇政而學學乃實學而

豐縣志

舊序

三

教教乃深教而志則志乃信而可傳也志顧可以易言乎哉閭君之於學博矣政理矣故其於志恢恢乎其有餘地矣昔者先王一道德以同風俗蓋此物此志也今聖明在宥隆文教於上方開金匱石室之藏纂輯史書君以幼學赴其壯行於以籍輶軒而獻之當寧異日者宣室前席問賦役均乎則戶口足稽也問民情洽乎則風俗可鏡也問獄訟平乎則嘉石肺石無冤也問學校興乎則庠序飭而士彬彬也問若當舉若當廢乎則曰先其大者重者餘可按而置也於戲閭君可謂知道之士矣不然者何爛於文而覈於理若是其班班耶余按路史豐固侯爵也周文王作邑治南國豐在長安縣之靈臺鄉然則彼秦之豐

非沛之豐也雖然沛之豐爲漢高帝發祥之地毓靈孕秀何不足比隆豐鎬乎且邑有朱陳村白香山詩云徐州古豐縣有村曰朱陳一村惟兩姓世世爲婚姻則豐之爲豐景象可知矣况得君而久道化成安知今之豐非昔之豐也耶余讀志至此又不覺神遊三代之盛矣於是樂而爲之序時順治丙申中秋後三日

李浴日

域中有三大權曰天曰君曰史而郡志邑乘則所以備一代文獻以待輶軒之採者也古者太史陳詩以觀民風雖裨官野紀皆得登之石渠用佐蘭臺筆札而邑之志可知矣顧風俗盛衰政治得失或數年而一變或數十年而一變有禹貢所不能詳而周禮所不及盡者苟非閱覽博物之流踵事增華則典文散失後之人何所考證乎徐自古稱名勝地而豐實隸之夫豐固漢高湯沐邑其地多挺生異人余家世東魯接壤隣封每登泰山而望榆社之遺逐黃流而弔歌風之烈未嘗不慷慨激發意氣豪壯及攷其軼事往往正史所未悉者而紀乘備之是邑志之所關詎不重哉丙申秋余奉命備兵淮徐入境時過豐因得漢高帝里居及從龍諸子故跡而令尹閭君珣適持豐志以獻問序於余余惟省方問俗觀察之責也敘典陳書有司之事也昔蕭何至咸陽先收秦圖書藏之因知天下扼塞戶口多少使爲長吏者簿書執掌典章殘落問之以山川

豐縣志

舊序

四

不知詢之以風物莫對烏所稱良牧宰乎據豐志之成也
一修於尹君梓再修於孔君道源自道源而後能使舊蹟
不湮新型不墜者則惟閭君力也余披閱其書詳而有體
簡而能該不愧一代著作余故覽其山川形勝風俗之變
遷可得而知也攷其官秩財賦人民之盈縮可得而悉也
觀神祇災異之文則知天道之不可不畏稽科名宦業之
實則知人道之不可不修以及賢豪節孝之篇誦記碑銘
之什洵可謂人倫之淵藪藝苑之笙簧矣漢司馬遷遊徧
天下名山大川歸而作史記易編年爲紀事千古稱良史
才班固作地理志後世因之閭君不越一邑而俾千百年
事瞭如指掌視子長孟堅豈有而焉今

豐縣志

舊序

五

天子崇文重道名儒臣纂修實錄而邑吏固博學好古如
此余他日藉手以報

聖明者斯志其嚆矢也豐其永垂不朽哉是爲序時順治
丙申中秋之吉

賈壯池南

按周禮外史氏掌記邦國都鄙之事卽子男附庸凡大事
策書小事簡牘罔不上之王都天子十二載一巡狩太史
復採風問俗辨其貞淫而黜陟勸懲之典行焉秦漢以來
析封建爲郡縣亦歲記其實納之公車門蘭臺令史司之
以備一代紀錄郡志邑乘之關係不亦鉅哉今

天子稽古右文海內蒸蒸向化司土良牧宰各網羅放失

以俟輶軒之采余司庾駐彭門豐令崐浦閭余同年友也
以豐志示余兼屬一言以首余淺陋安敢序諸竊惟豐乃
漢高皇湯沐故邑名世英雄指不勝屈榆社新豐古史曲
譜朱陳醇朴文人咏歌誠宇內巖邑也近經兵革驛驛恐
堙滅荒落搜補爲艱而崐浦竟以久道化成之後與諸桃
李考獻徵文凡山川繡錯人物代興財賦盈縮因革變遷
與夫宦業忠廉貞夫義婦之節傳記詩銘之詞犁然具備
余讀之覺質而不俚華而不蕪班氏記繁志寡之譏可謂
無之真良史之材也異日

豐縣志

舊序

六

必爲鄧林杞梓崐浦其以我爲知言哉時順治十有三年
歲在丙申夷則月之吉

魏裔魯

豐於徐巖邑也漢皇帝提三尺劍起布衣削平海宇追夫
定鼎函秦過故宮而慷慨猶欲圖其里居置之左輔號稱
新豐以此想見當年之盛弗可尙已豐固有志蓋統於郡
與州而分出之者也閭令君由高第出宰百里慨然念往
籍易湮而思有以振之噫世遠代更流風衰謝土生其間
莫由振起吏於茲土者又各以其簿書期會之不暇攷古
與文非其切務後先踵襲視爲故卷魯魚亥豕賢者不免
顧欲使邑之人扶杖往觀指畫舊里之農桑且不可得又

遑論其他乎是集也探諸故實佐以傳聞搜所遺亡新之鉛槧前此蓋鳩度以請凡閱歲而底厥成噫雖一編之書哉而以裨於治亦可謂識所要矣閭君以博通瞻敏之才又徵引諸文學之士相與訂訛正謬詮次異同良工心苦觀者能辨乃屬余一言以爲之敘謂余職司民版義列冬官卒瘞之暇不廢修行且若雅志於古者是不可以無敘余不文事非所任何容贅簡雖然抑又聞之君子之有事於一方也則必使其風土人情瞭如指掌過帝邱而陳往事稱揖讓以志山川崔廣略之寬猛異宜謝玄暉之遊歷殆遍方隅所記君子未嘗不留意焉我國家稽古敦文左史秉筆蘭臺中壘校書天祿將四時遣輶軒之使分行

豐縣志

舊序

七

郡國采紀風謠以成一代鉅典則余與閭君之有攸賴也若夫踵舊文修故事以云觀美是蓋不覩於咨度之旨而爲勤求者所竊歎也於是以一言弁諸首時順治丙申歲仲夏之吉

余志明

徐州牧

徐列九州肇自有夏其所統則代不相沿如東省之滕嶧本省之邳宿固嘗隸於徐者今則豐蕭沛碭如故也不佞視徐七載豐邑閭令同事有年矣徐志垂成二載而豐志乃告成夫豐志不已見於徐志哉曷豐之復爲之也徐志六十餘年未加修葺不佞當從事時甚苦闕於見聞幸其地一二同心廣搜博訪爰告成事而四邑之耆宿髦俊未

有贊焉豐邑有考所以續志之闕者也今亦三十餘年按考未按志使徐之志豐者咄咄於攷而不獲觀其全也不將缺望也乎閭令之所以必觀厥成也以豐人言豐愈於徐人之言豐也以豐之今人言豐愈於其前人之言豐也何也時爲之也陵谷變矣文獻微矣豐之可知者山有東華人有漢主其一時附風雲者蕭相鄂侯而外指不勝屈後世代有英奇代爲標指非能如東華漢主盡入而知之也以徐人搜豐軼事庸易乎故徐之志豐者略而豐爲詳也徐之志三邑者皆略而豐爲先得其詳也豐之有光於徐不亦大且遠哉閭令之計長矣其力瘁矣非能於閭令知之即於志徐者知之也雖然閭令才高學富政治澤流

豐縣志

舊序

八

原不以一乘見而今猶徘徊一邑又豈豐人之所致望於令與不佞之所致羨於令者乎將見輶軒之採以備石渠虎觀之選於茲編下之矣時順治丙申六月既望

閭 珩 縣令

郡邑有志猶國有史也括三才而立言歷千禩以成秩輶軒可採運會彰焉文獻足徵政教繫焉烏可略也豐邑自明萬歷孔令公道源修輯後迄今四十餘年竟成絕筆無論新蹟未入并舊梓亦散失不可得余初蒞豐即銳欲增補纂修仰接前編而俯開來者徒以 鼎革之初百務肇興邑人士甫出湯火而大兵大差絡繹繁至豐成孔道兼以東賊西寇交訌肘腋軍機旁午爲之令者風塵牛馬日

與孤城子遺僕僕支吾如不暇給奚啻禮樂未遑實亦我躬不閱耳拮据迫今茲凡八九載時事差寔息異往時余夙志孜孜復移文本庠師生商修志事而學博江君乃推張劉王李諸子爲可勝厥任也劉子湘集選舉宦績張子型張子基集建置災祥王子樾集祀典李子澳集秩官田賦而裁成於張子逢宸自順治甲午起迄丙申止凡閱歲而告成至其剞劂之工版籍之序周旋速竣又有劉史袁諸子出而共襄厥務噫嘻此殆非一手一足之烈矣然要之討論修飾克始克終則張子逢宸之功爲最也上下四五十年間政事之因革損益品彙之盛衰消長時地之亨屯流峙雖不于此盡悉而合以前數千百年所記可稱完

豐縣志

舊序

九

壁所謂縉紳先生能言之而里巷長老有口碑者蓋亦幾幾乎無剩義矣重念余鞅掌簿書之餘孜孜厥務詎著述之業續貂前人爲之踵事而增華哉亦曰志因豐以得名豐得志而傳是不但此也讀建置輿地諸帙而悠然深體國經野之思讀秩官宦績諸帙而穆然懷思齊內省之感祈天永命其許謨也讀祀典災祥諸帙而惕然齋祓其神明理財用人其遠猷也讀貢賦選舉諸帙而曠然恪恭于象魏若乃採倫類之風烈而微顯闡幽顯理性之英華而章志貞教人文固歷歷可紀也不惟其人惟其賢不惟其藝惟其道而已矣予之孜孜是集而諸子能相與有成也豈偶然哉君子觀之或不以一隅之載籍而謂爲無足重

輕後有繼此而從事者將志豐于千萬世有同揆也時順治十三年歲次丙申仲春之吉

豐縣志

舊序

十

續修豐縣志姓氏

纂修

知豐縣事 姚鵠 杰

協修

舉 人 李 運 昌

參訂

恩 貢 生 史 鴻 儀

廩 貢 生 卜 鳴 山

廩 生 王 蔭 藻

廩 生 李 蔭 苓

拔 貢 生 王 明 揚

豐縣志

卷

姓氏

廩 生 劉 德 峻

採訪

歲 貢 生 方 俊 升

廩 貢 生 劉 伯 昭

廩 生 顏 承 緒

廩 生 崔 榮 甲

廩 生 渠 運 可

廩 生 包 仁 輔

附 生 孫 霖 浦

例 貢 生 傅 麟 閣

恩

貢 生 渠 金 鼎

校對

廩 生 卜 斯 華

附 生 顏 丕 承

附 生 侯 玉 階

繕寫

附 生 王 學 純

附 生 周 文 煥

附 生 王 文 炳

附 生 胡 鳳 儀

豐縣志

卷

姓氏

二

豐縣圖攷

豐縣志

圖一


豐邑水利全圖



豐邑界居郡城西北一百五十里東西七十里南北百里
自咸豐元年河決蠡龍集沙河兩岸高起水皆北流
東界沛三十里

豐縣志

圖二



城圖

